

卷尾

書名 近思錄十四卷 嘉靖六年刊本
 撰者 宋 朱熹、呂祖謙 同輯
 卷 卷尾
 內容分類 子-儒家-性理-宋
 索書號 大木-子部-儒家類-6
 編號 C4514300

彩色首頁1

東洋文化研究所漢籍目錄 編號: C4514300

東洋文化研究所漢籍目錄所藏漢籍善本全文影像資料庫 索書號: 大木-子部-儒家類-6

漢籍善本全文影像資料庫文本近思錄十四卷 嘉靖六年刊本

版權所有: 東京大學 東洋文化研究所

使用上的注意事項



濂溪先生曰無極而太極太極動而生陽動而靜靜而生陰靜極復動一動一靜互為其根分陰分陽兩儀立焉陽變陰合而生水火木金土五氣順布四時行焉五行一陰陽也陰陽一太極也太極本無極也五行之生也各一其性無極之貞二五之精妙合而凝乾道成男坤道成女二氣交感化生萬物萬物生生而變化無窮焉惟人也得其

道體篇



九五十一條

不動心有進嘗謂門人曰吾學既得於心則修其
辭命辭無差然後斷事斷事吾乃沛然精義入神
者豫而已矣先生氣質剛毅德威貌嚴然與人居
久而日親其治家接物大要正己以感人未之
信反躬自治不以語人雖有未諭安行而無悔故
識與不識聞風而畏非其美也不敢以一毫及之

近思錄卷之十四終

刻近思錄成序後

有宋際文運之隆濂溪周子河南兩程子橫
渠張子繼作其立言有太極圖通書易傳外
書經說文集西銘正蒙等書是皆羽翼六經
而上接孟子以來千載不傳之統自後有考
亭朱子又集大成者以四子之書廣浩無涯
初學未易指尋乃與東萊呂氏共擇其切要
語為近思錄蓋道之用散在天下而其本具
之人心初非高且遠者是故其思近則機發

機發則心虛心虛則理得而闢邪崇正律已
治人推之天下無難也聖賢之學帝王之道
皆不外是矣竊嘆夫近時學者以文辭相尚
以聲名利達相高間有潛心體道者則目為
固陋為愚腐甚者群起而攻之為怪異噫我
國家右文遠過宋氏亦奚為有是哉蓋學者不
近思不立其本之故也予不幸蚤登科第茲
然自愧無以立天地間於是堅志於簿書紛
錯之際強力於事務交變之餘惴惴焉惟求
不失其心足羨顧才性愚拙志氣昏懦尚未
之能爾謹書此於卷末以自警且將以遺熟
人也若夫天下知學之士則無事於言矣
嘉靖丁亥春正月壬午鴈門賈世祥謹序



--	--	--	--	--	--	--	--	--	--

上海圖書館藏



東洋
研究
所
圖書